

愛戀心惶惶

作者: 可泣可樂

Powered by [紙言](#)

第一章:初見花開之博君一笑

「喂，唔好訓啦，話說你知唔知會有新嘅女仔入嚟依班？」啊斑問。

「吓，暑假臨完嗰幾日先嚟呢度？」被嘈醒嘅我依然睡眼惺忪，神智十分不清。

「你知喇，託管所依度無野多，係出名多仔咋嘛，可能係入嚟識男仔啫~」我頓咗下，依個答案感覺好不切實際。

「邊會有人喺暑假完前嗰幾日突登嚟啲咁嘅地方補習、做功課，被迫做埋啲垃圾練習，最弊仲要被人鳩鬧...」我瞬間破口而出。

「喂！韻余琛！」我話未說完之際，一把聲如洪鐘嘅聲音從門口發出。

不出所料，應該又係嗰個神通廣大嘅馬miss又不可思議地知道我漏嘴講粗口。

但今次佢將道門打開時竟然無撞埋向牆身度，聽唔到平時嗰下爆門聲令我有啲唔自在。

我抬住頭合理雙眼，嘆氣道:「Miss，今次我已經比上次無咁大聲，不如考慮放過我一馬？」

「無得傾！上次講過再漏嘴就罰你做值日生做到暑假完為止！」

「啊...」我隱隱作語。

依刻其實我好想笑但選擇忍住，只好喺嘴角微微一揚，哩句野佢上個月先同我講，睇嚟馬miss個腦已經開始生銹。

但估唔到，有位不速之客多事。

「但離暑假結束，唔係好快啫咩？」

...

...

哩句話，直接插中咗落我心口，刺激咗我大腦。幾秒後，我先反應過嚟，我望向成間房嘅人，明明全部都係我嘅人，點解...

「唔？今日係8月31日，咁暑假得返...」馬miss開始屈指一算。

「係零。」一把清徹嘅女聲從後方傳出，聽落彷彿帶有幾分高雅矜貴而不可侵犯嘅氣息。

我轉身一看，發現原來一直有一個女仔企係馬miss隔離，但係我坐住嘅位置背向住佢地所以先睇唔到。

「你好，我係新嚟嘅，我叫詩璇。」我面向住佢，發覺係個同我差唔多大嘅女仔，而且同齡之中算係

面貌幾靚，並且散發住嗰種猶如冰山美人般嘅美。唯一嘅缺點係.....

「你.....」我向詩璇舉出食指。

「係.....？」她一面疑惑，明顯不明我嘅舉動。

「你...有....」我如老人般緩慢地吐出每一隻字，當中加入泰國口音。

「李又咩yeah man 涕」我吐出六字真言。

...

...

整個場面被沉默覆蓋咗兩至三秒，但係我心入面哩幾秒就好似過咗成幾個鐘咁，宜家嘅我，係無比尷尬嘅存在。

但願如此拼盡嘅我，能博君一笑。

「唔..唔..哈哈...」詩璇用手掩着嘴，但遮唔住嗰雙跳動嘅眼眸與笑聲。

佢內斂嘅一笑，亦證明我無白費功夫。

第二章: 偶遇！突如其來的戰書！

見到佢面帶笑容，猶如花開燦爛嘅樣，心都安樂返啲。我最討厭，就係啲唔識笑嘅女仔。

「啊~啊~」討完美人歡喜嘅我打咗個喊露，之前就馴返。

「韻余琛！」馬miss怒聲呼喝。

「明白~一個月都係我當值吖嘛。」我隨便敷衍幾句就馴着。

...

...

「喂~喂~你條友仔今日又咁好馴嘅。」煩人嘅啊斑又嘈醒咗我。

「你比我好好馴餐飽得唔得啫？」我抹一抹眼，滿口怨氣道。

我望一望空蕩蕩嘅房間，再望向手錶，發覺原來一早過咗放學時間。

「走喇。」我連忙提起斜揸袋準備歸途。

「照舊？」啊斑說。

「嗯，天台等，同記住帶埋...」我話口未完，啊斑就好似支火箭咁飛奔走咗。

「籃球啊...」我無奈咁講完就離開託管所。

回家途中我不停深思緊，

點解，依個世界咁多麻煩...

雖然我只係個十三、四歲，顯然係個乳臭未乾、未見盡世事嘅死仔，但我問心無愧係個幾厭世嘅人。

但係，我無在意自己點解會如此討厭依個世界，或者學香港人話齋 - 慣咗啦。

算啦，無謂諗咁多，亦可能係我諗多咗。

我用力一腳踢走腳前嘅汽水罐，舒發一下心中嘅納悶。

「哇啊~」突然傳嚟一聲猶如小猫驚醒般嘅大叫。

「對...對唔住啊！你有無整親？」我連忙向對方道歉，並喺心裡準備好面臨一頓責罵。

「你...就係馴咗成日個個？」聞言，我瞬間挺起原本低着準備挨罵嘅身子。

而係我面前嘅，正正係嗰位新嚟嘅詩璇。

「...」我地見到對方後一時間啞口無言，令到場面有啲凍結。

我有啲驚訝，但驚訝嘅地方唔係在於我巧遇到佢，而係佢對我嘅第一印象竟然係咁...

「嗯...」失望嘅我隨便應咗吓，然後就轉身走人。

反正我已經無乜興致同佢玩「剛好遇見你」依啲老套情節，況且我有事在身，無謂浪費時間。

可惜世事難料，本以為同佢嘅緣分到此為止。

...

...

「你啲gag會唔會太～爛～啊～～～」當我走遠之際，詩璇意想不到地大嗌咗哩句說話。

依句說話由耳朵傳送到去大腦嘅一剎那，我有啲唔甘心，但可能因為佢過份直率嘅關係，我有啲想笑。而依一笑除咗係因為佢直率嘅性格之外，亦係我對自己嘅自嘲。

當我轉身想望向詩璇時，發現佢一早已經消失得無影無蹤。剩低嘅，只得番凍得彷彿冷嘲緊我嘅空氣。

「我果然係個不通世事嘅細路仔。」我默默道出，再次自嘲起嚟。

詩璇嘅一句說話，或多或少激起咗我嗰份年少旺盛嘅心。

然而由依一刻起，我覺得厭煩嘅世界逐漸被增添咗唔少色彩。

依個歷程猶如漫長嘅戰爭一樣，被某個人下嘅一份戰書引起。

「我會贏㗎！睇住嚟啦！」我仰天長嘯，彷彿某個人可以聽到。

第三章:厭世公子(上)

我同詩璇嘅交纏暫時告一段落。

當我步入家門嘅時候，已經過咗我同啊斑嘅約定時間。

「真係麻煩。」我厭煩地呼出一句。

我想跑返去我嘅房間，諗住匆忙咁換好衫就走，但每次我想咁做，都會事與願違。然而，並無任何人阻住我。

跑嘅途中，我忽然喺一間房間面前停低咗落嚟，依刻我嘅雙腳完全失去咗氣力，就算有想前行嘅意慾都無用，就好似被一道隱形嘅牆同無形嘅手拉扯住、阻隔住一樣。

而喺我面前嘅房間並唔係我個間，而係屬於另一個人...一個已經死咗嘅人...

...
...

此時此刻嘅我已經泣不成聲，軟弱無力咁跪喺冰冷嘅地板上，淚水連綿不絕咁流下。整個大腦好似失去理智咁，完全控制唔到，繼而被一段段傷心嘅回憶所支配，腦海入面哀思如潮。

我嘅歲月一直以嚟，有某件事從以前就鎖住喺我嘅腦牢之中，到而家仍然喺腦中不停徘徊，揮之不去，不停地惡耗住我...

...
...

「叮咚。」良久，一下門鐘嘅聲響打破咗依一片恐怖嘅寂靜。

幸好有依一聲鐘響一剎那拉回返我嘅理智，不然我必會再次跌入那萬丈深淵之中。

「有無人呀？琛仔？係唔係度？係我夏姐呀。」聞言，我即刻過去開門。

「琛仔，你食咗野未啊？欸？喂！你去邊啊！？」一瞬間我卻奪門而出。

「琛仔！」

我淚水一邊流着一邊往前跑，不停地向住唔存在嘅盡頭狂奔。唔知點解，感覺吹嚟嘅風開始越嚟越刺凍，我心口亦越嚟越冰冷。

「又係嗰種感覺...」

眼前所有事物都逐漸被黑暗所吞噬，整個世界嘅一切開始被灰暗所籠罩起嚟。

「呼...呼...」着不多力氣耗盡嘅我，感覺意識越嚟越模糊。

「唔好...」

...

...

「砰！」一聲悶響，我終於應聲倒地。

倒地嘅一剎那，我眯着雙眼，隨即矇矓地映入眼簾嘅係一道強烈嘅光芒。

依一道光，係嚟歡迎我嘅？

可能係俗世間稱之為天堂嘅入口，亦可能係我嘅走馬燈之類...

依個問題幾值得研討吓，但我當時並無深究落去。我好慶幸當時既我並無半刻遲疑，如果唔係我一早已經身首異處。

...

...

「嘍 - 」大貨車電光火石之間失控，並伴隨住車輪激烈嘅滾動聲，戲劇性地沖埋向我依邊嘅石牆！

山窮水盡嘅情況下，我唯有...

「嘍 - 砰轟 - ！」一瞬間，前方傳嚟強烈嘅碰撞聲，煙火四起。

「呼...」車身上秒鐘剛好與我擦身而過。

果然，柳暗花明又一村！

實在難以置信，我竟然可以親眼目睹住自己生死悠關嘅一刻並將其局勢扭轉。如果啱啱，只要稍為遲咗半秒先轉身入去嗰條坑渠槽裡面嘅話，我諗我應該都已經奄奄一息。

但毫無疑問，我之所以可逃過一劫，相信係因為我已經花盡曬依一生所有運氣，就算無，都肯定有一半。

「呼...」差啲就一命嗚呼嘅我，依刻情緒十分之忐忑。

我雙手掩着臉，完全唔敢相信剛才如此驚嚇荒唐嘅事。

我向大貨車瞪着，放大雙眼認清其鐵一般嘅事實。

地上熊熊烈火正徹底底的燃燒着，與從天而降嘅滂沱大雨形成強烈對比，但卻使其雨水顯得更微不足道...雨完完全全對火勢並沒有起任何減緩的作用。

火勢正迅速的漫延至附近家居，四周嘅居民亦開始被嚇得雞飛狗走，場面混亂之極。

伴隨着居民驚嚇與求助的浩大喊叫，救災人員亦隨之趕到。

「依到！快！有個14,15歲左右嘅細路仔受咗傷！」他大喊着。

「咩...咩傷...我明明就.....」我眼珠往下一瞪。

「啊...啊啊啊啊啊啊啊啊啊啊啊啊啊啊！」

「放心！細路，你會無事㗎！撐住啊！」他安慰着我。

一陣突如其來嘅痛楚瞬間充滿住我嘅左腳，只眼見，腳嘅周圍血花四濺，形狀不常，並完全失去了知覺，痛楚萬分。而恐懼感，亦隨之從四方八面遍布了我全身。

「啊啊啊啊啊啊啊啊啊啊 - ！」隨著哮叫一出，我就失去了意識。

第四章:厭世公子(中)

星與星之間彼此緊密連繫着，就好像知己一樣。但隨住嘅白天來臨，就會消散不見。

人亦一樣，就算歲月中遇過幾多知音人，但最終都會受日轉星移嘅迫勢下，或者係命運操縱嘅生死相告下而各自道別，各散東西。

猶記起，小時候嘅我都有個青梅竹馬，佢好體貼、善良，甚至可以洞悉到我嘅內心，而每次同佢相處嗰陣，都有種扣人心弦嘅感覺。

嗰段花樣年華，雖然十分之璀璨悅目，令我難以忘懷，但終究只係曇花一現，過眼雲煙嘅回憶，縱使美好亦會日漸消逝。

淺夏秋末，微微涼。

有兩顆稚氣未脫嘅小豆芽正喺陽光浴底下你追我趕，互相栽培情感。

「琛琛，你睇吓依度吖~」女孩滿懷歡喜咁講。

「我講咗幾多次唔好咁叫我啊，好肉酸啊...」男孩不厭其煩地怨訴。

「咦？」

萬千草綠之中，男孩看見有一樣與別不同嘅「花」顯露了出來。

「依啲...係花嚟？」男孩冒昧問。

「依啲係蒲公英嚟㗎，有無搞錯啊，咁都唔識...」女孩聞言後，略有失落咁答佢。

但女孩嘅心灰下一瞬間將被吹散，因接落嚟嘅一幕隨即令到佢咁心花怒放起上嚟。

「嘩~！」倏然，男孩同女孩異口同聲地發出驚嘆。

微風吹來之際，蒲公英亦隨之散開，除咗一陣陣嘅涼意撲向男孩同女孩嘅懷裏之外，逐粒逐粒嘅果實亦開始喺風中油然起舞，一絲絲嘅柳風與輕小嘅果實於空中互相碰撞、交替住，編織出一小片嘅美麗漩渦。最後，由柳風親自將蒲公英嘅果實送到去兩個孩子嘅懷中。

「好靚啊！」「哇...」兩個孩子目睹住眼前嘅情景，亦不停叫囂，嘆為觀止。

但男孩似乎意猶未盡，儘管眼前嘅景物已經如此美滿，他卻不知滿足，只係想再獲得更多、更多

...

男孩漫漫靠近，臉向蒲公英輕輕一吹，蒲公英一吹而散嘅畫面隨即再次喺男孩面前展現出嚟，同頭先一樣嘅美麗景致，佢再次盡收於眼底。

但天公偏偏不肯幫他造美。

蒲公英被吹散後，其出現嘅果實卻不盡人意咁遠遠飄走，柳風就好似戲弄緊男孩一樣，玩弄佢渴望已久嘅果實。

「啊...」

男孩眼見果實越飄越遠，佢伸出雙手想將之捉緊，妄想咁做就可以觸及那已經遙不可及嘅蒲公英果實。

結果理所當然 - 男孩事與願違咁失去咗本應可以得到嘅果實。

「點解嘅...」男孩望住只剩下空氣嘅雙手。

「琛琛...」

「我唔滯...」

「不如就咁算啦...嗱你睇吓！我依度仲有好多啊，你想要嘅擺晒都得㗎，我唔介意...」

「啊！」女孩手中的蒲公英被男孩一掃，全散下落地。

「唔要啊！唔使你可憐啊！我自己無咩而家?!」

男孩就這樣帶着怒氣一奔而去，無情地留低女孩孤身一人。沒有回頭，連一眼也沒有給他自己的青梅竹馬。